

KONVOI BERMOTOSIKAL ATU KE TELUK BATIK



airforce.mil.my/berita/berita-dari-pusat-latihan/3266-konvoi-bermotosikal-atu-ke-teluk-batik

TELUK BATIK, 31 Mac 18 - Akademi Tentera Udara (ATU) telah menganjurkan Konvoi Bermotosikal ke Pantai Teluk Batik Lumut, Perak. Sebanyak 50 buah motosikal yang melibatkan hampir 80 orang pegawai dan staf termasuk Komandan ATU, Kol Abdul Nazar bin Abdul Hamid TUDM dan isteri telah menyertai program konvoi yang turut dibantu oleh Kelab *Brotherhood of Scooter*.

Di dalam perjalanan menuju ke Teluk Batik, peserta konvoi telah berhenti di Masjid Kampung Ajil Bota Kiri untuk melaksanakan program jiwa murni bagi menjalankan pembersihan di sekitar kawasan masjid. Setelah selesai kerja-kerja pembersihan, semua peserta konvoi telah menjamu selera dengan bekalan makanan yang telah siap dibawa dari ATU Ipoh. Konvoi diteruskan dan selamat sampai di Pantai Teluk Batik pada jam 12.30 tengahari.

Semua peserta konvoi bebas menjalankan sebarang aktiviti sebelum berkumpul semula di Dataran Teluk Batik bagi sesi fotografi pada jam 3.45 petang. Setelah selesai sesi fotografi, kesemua peserta konvoi bergerak pulang menggunakan motosikal masing-masing dan selamat sampai di ATU Ipoh pada jam 6.30 petang tanpa sebarang kemalangan.

